

Oah tī Kngbêng Tiong

2 Góa ê sèkiáⁿ ah, góa siá chiahê hō lín, sī beh hō lín bô hoānchōe. Nā ū lâng hoānchōe, tī ThiⁿPē bīnchêng lán ū chit ūi piānhōjīn, tōh sī konggī ê Iésu Kitok. 2 Kitok ūi tiòh lán ê chōe, mā ūi tiòh sōū sèkan lâng ê chōe, chiáⁿchò siòkchōechè.

3 Lán nā chunsiú Kitok ê kàibēng, lán tōh ē tàng khaksìn lán bat I. 4 Lâng nā kóng, "Góa bat Kitok", khiok bô chunsiú I ê kàibēng, tōh sī teh kóng péhchhát, chinlí mā bô tī i ê simlāi. 5 M̄ koh, lâng nā chunsiú Kitok ê tōlī, i tùi SiōngChú ê thiàⁿ tōh tát-kàu oânchoân; jīchhiáⁿ tùi ánnē, lán tōh ē tàng khaksìn lán sī tiàm tī Kitok nih. 6 Lâng nā kóng kakī tiàm tī Kitok nih, i tōh engkai chiàu Kitok ê kiáⁿtáh lâi sengoáh.

Sin ê Kàibēng

7 Chhinài ê hiaⁿtī chímōe, góa siá hō lín ê, m̄ sī sin ê bēnglēng, khiok sī lín tùi khíthâu tōh niásiū ê kū bēnglēng; chitê kū bēnglēng sī lín bat thiaⁿkòe ê sìn-sit. 8 Chóng sī, góa siá hō lín ê kàibēng mā ē sái kóng sī sin ê; tùi Kitok kah lín lâi kóng, i lóng sī chinsit ê, inūi òàm tng teh kòekhì, chin kng íkeng teh chiò.

9 Lâng nā kóng kakī sengoáh tī kngbêng tiong, khiok oàn-hūn i ê hiaⁿtī chímōe, i tōh sī kàu taⁿ iáu sengoáh tī òàm tiong. 10 Thiàⁿ hiaⁿtī chímōe ê lâng, tōh sī tī kngbêng tiong teh sengoáh, bô siáⁿmih ē tìsú i poáhtó hoānchōe. 11 M̄ koh, oàn-hūn hiaⁿtī chímōe ê lâng, tōh sī tī òàm tiong; i tī òàm tiong teh kiáⁿtáh, m̄ chai kakī ê honghiòng, inūi òàm hō i ê bákchhiu chheⁿmê.

12 Góa ê sèkiáⁿ ah, góa siá phoe hō lín,

inūi óakhò Kitok ê miâ, lín ê chōe íkeng tit tiòh siàbián.

13 Hūló sītōa ah, góa siá phoe hō lín,

inūi lín jīnbat tui goân khíthâu tōh chūnchāi

活 tī 光明中

2 我 ê 細 kiáⁿ ah, 我寫 chiahê hō lín, 是 beh hō lín 無犯罪。若有人犯罪, tī 天父面前咱有一位辯護人, tōh 是公義 ê 耶穌基督。2 基督為 tiòh 咱 ê 罪, mā 為 tiòh 所有世間人 ê 罪, 成做贖罪祭。

3 咱若遵守基督 ê 誠命, 咱 tōh ē tàng 確信咱 bat 祂。4 人若講:「我 bat 基督」, 卻無遵守祂 ê 誠命, tōh 是 teh 講白賊, 真理 mā 無 tī 伊 ê 心內。5 M̄ koh, 人若遵守基督 ê 道理, 伊對上主 ê 疼 tōh 達到完全; 而且 tùi ánnē, 咱 tōh ē tàng 確信咱是 tiàm tī 基督裡。6 人若講 kakī tiàm tī 基督裡, 伊 tōh 應該照基督 ê 行踏來生活。

新 ê 誠命

7 親愛 ê 兄弟姊妹, 我寫 hō lín ê, m̄ 是新 ê 命令, 卻是 lín tùi 起頭 tōh 領受 ê 舊命令; chitê 舊命令是 lín bat 聽過 ê 信息。8 總是, 我寫 hō lín ê 誠命 mā ē sái 講是新 ê; 對基督 kah lín 來講, 它 lóng 是真實 ê, 因為烏暗 tng teh 過去, 真光已經 teh 照。

9 人若講 kakī 生活 tī 光明中, 卻怨恨伊 ê 兄弟姊妹, 伊 tōh 是到 taⁿ iáu 生活 tī 烏暗中。10 疼兄弟姊妹 ê 人, tōh 是 tī 光明中 teh 生活, 無啥物 ē 致使伊跋倒犯罪。11 M̄ koh, 怨恨兄弟姊妹 ê 人, tōh 是 tī 烏暗中; 伊 tī 烏暗中 teh 行踏, m̄ 知 kakī ê 方向, 因為烏暗 hō伊 ê 目 chhiu chheⁿmê。

12 我 ê 細 kiáⁿ ah, 我寫 phoe hō lín,

因為 óa 靠基督 ê 名, lín ê 罪已經得 tiòh 赦免。

13 父老序大 ah, 我寫 phoe hō lín,

因為 lín 認 bat tui 源起頭 tōh 存在 ê Hit

ê Hit Ūi.

Siàuliân lâng ah, góa siá phoe hō lín,
inūi lín íkeng iâⁿkòe hitê siâok chiá.

Sèkiáⁿ ah, góa siá phoe hō lín,
inūi lín jīnbat ThiⁿPē.

14 Hūló sītōa ah, góa siá phoe hō lín,
inūi lín jīnbat tùì goân khìthâu tòh chūnchāi
ê Hit Ūi.

Siàuliân lâng ah, góa siá phoe hō lín,
inūi lín íongchòng, koh ū SiōngChú ê tō tī
lín simlāi,

mā inūi lín íkeng iâⁿkòe hitê siâok chiá.

位。

少年人 ah，我寫 phoe hō lín，
因為 lín 已經贏過 hitê 邪惡者。

細 kiáⁿ ah，我寫 phoe hō lín，
因為 lín 認 bat 天父。

14 父老序大 ah，我寫 phoe hō lín，
因為 lín 認 bat tùì 源起頭 tòh 存在 ê Hit
位。

少年人 ah，我寫 phoe hō lín，
因為 lín 勇壯，koh 有上主 ê 道 tī lín 心
內，

mā 因為 lín 已經贏過 hitê 邪惡者。

Kéngkò Sèkan

15 M̄ thang thamloân sèkan á sī sèkan ê sūbút;
lâng nā thiàⁿ chitê sèkan, i tòh bô thiàⁿ ThiⁿPē ê
sim. 16 Inūi sèkan ê itchhè, chhiūⁿkóng jiòkthé ê
chêngiòk, bákchiu ê thamiòk kah sèsiòk ê
kiaungō, lóng m̄ sī tùì ThiⁿPē lâi ê, khiok sī tùì
sèkan lâi ê. 17 Chitê sèkan kah sèkan ê chêngiòk
lóng tng teh siausit, m̄ koh, sīthêng SiōngChú chí
ê lâng khiok ē éngóan chūnchāi.

Kitok ê Tùitèk

18 Sèkiáⁿ ah, boátjít teh beh kàu à! Tú
chhinchhiūⁿ lín bat thiaⁿkòe ū Kitok ê tùitèk beh
lâi, chit má ū chin chē Kitok ê tùitèk íkeng
chhuthiān ā, tùì chit tiám, lán chai boátjít teh beh
kàu à. 19 Chiahê lâng tùì lán tiongkan chhutkhì,
khiok m̄ sī siòk tī lán; in nāsī siòk tī lán, tòh ē
kèsiòk kah lán chòhóe. M̄ koh, in līkhui lán, sī teh
piáubêng in lóng m̄ sī siòk tī lán.

20 Lín íkeng tùì sīnsèng ê niásiū unko, sói, lín
lóng jīnbat chinlí. 21 Góa siá phoe hō lín, m̄ sī inūi

警告世間

15 M̄ thang 貪戀世間 á 是世間 ê 事物；人若
疼 chitê 世間，伊 tòh 無疼天父 ê 心。 16 因為世
間 ê 一切，像講肉體 ê 情慾，目 chiu ê 貪慾 kah
世俗 ê 驕傲，lóng m̄ 是 tùì 天父來 ê，卻是 tùì 世
間來 ê。 17 Chitê 世間 kah 世間 ê 情慾 lóng tng
teh 消失，m̄ koh，實行上主旨意 ê 人卻 ē 永遠
存在。

基督 ê 對敵

18 細 kiáⁿ ah，末日 teh beh 到 à! Tú 親像
lín bat 聽過有基督 ê 對敵 beh 來，chit má 有真
chē 基督 ê 對敵已經出現 ā，tùì chit 點，咱知末
日 teh beh 到 à。 19 Chiahê 人 tùì 咱中間出去，
卻 m̄ 是屬 tī 咱；in 若是屬 tī 咱，tòh ē 繼續 kah
咱做伙。M̄ koh，in 離開咱，是 teh 表明 in lóng
m̄ 是屬 tī 咱。

20 Lín 已經 tùì 神聖 ê 領受恩膏，所以，lín
lóng 認 bat 真理。 21 我寫 phoe hō lín，m̄ 是因

lín m̄ bat chinlí, khiok sī inūi lín bat chinlí, j̄ichhiáⁿ
chai itchhè ê pêhchhát lóng m̄ sī chhut tī chinlí.

22 Anne, sī siáⁿ lâng teh kóng pêhchhát? Kám m̄ sī hiahê hōⁿjīn Iésu sī Kitok ê lâng? Hiahê hōⁿjīn ThiⁿPē kah Kiáⁿ ê tòh sī Kitok ê tuitèk. 23 Kiànnā hōⁿjīn Kiáⁿ ê lâng, tòh bē chiapláp ThiⁿPē; kiànnā sêngjīn Kiáⁿ ê lâng, mā ē sêngjīn ThiⁿPē.

24 Lūnkàu lín, lín tiòh kiansiú tui khíthau só thiaⁿ tiòh ê sìnsit. Lín nā kiansiú tui khíthau só thiaⁿ tiòh ê sìnsit, lín tòh ē kèsiók tiàm tī Kiáⁿ kah ThiⁿPē lāibīn. 25 Che tòh sī Kitok èngún beh hō lán ê éngseng.

26 Góa siá hō lín ê chiahê tāichì, sī koanhē hiahê siūⁿ beh bêhek lín ê lâng. 27 Tui lín lâi kóng, lín tui Kitok só niásiū ē unko ittít kah lín tôngchāi, sói, lín pēng bô suiàu lâng lâi kā lín kāsī, inūi l̄ ē unko ē kāsī lín bānhāng sū. J̄ichhiáⁿ l̄ ē kāsī sī chinsit ê, m̄ sī hiké. Sói, lín tiòh chunchiàu unko ê kāsī, sísī tiàm tī Kitok lāibīn.

28 Taⁿ, sèkiáⁿ ah, lín tiòh tiàm tī Kitok lāibīn, áne, tī Kitok hiánhiān ê sí, lán tòh ē tàng hótáⁿ, bē tī l̄ l̄m̀kàu ê sí, inūi kámkak kiànsiàu, soah cháu khì bih. 29 Lín nā chai Kitok sī konggī ê, lín tòh engkai chai kiànnā kiáⁿ konggī ê lâng, tòh lóng sī l̄ ê kiáⁿj̄i.

為 lín m̄ bat 真理，卻是因為 lín bat 真理，而且知一切 ê 白賊 lóng m̄ 是出 tī 真理。

22 Anne，是啥人 teh 講白賊？Kám m̄ 是 hiahê 否認耶穌是基督 ê 人？Hiahê 否認天父 kah Kiáⁿ ê tòh 是基督 ê 對敵。23 見若否認 Kiáⁿ ê 人，tòh bē 接納天父；見若承認 Kiáⁿ ê 人，mā ē 承認天父。

24 論到 lín，lín tiòh 堅守 tui 起頭所聽 tiòh ê 信息。Lín 若堅守 tui 起頭所聽 tiòh ê 信息，lín tòh ē 繼續 tiàm tī Kiáⁿ kah 天父內面。25 這 tòh 是基督應允 beh hō 咱 ê 永生。

26 我寫 hō lín ê chiahê tāichì，是關係 hiahê 想 beh 迷惑 lín ê 人。27 對 lín 來講，lín tui 基督所領受 ê 恩膏一直 kah lín 同在，所以，lín 並無需要人來 kā lín 教示，因為祂 ê 恩膏 ē 教示 lín 萬項事。而且祂 ê 教示是真實 ê，m̄ 是虛假。所以，lín tiòh 遵照恩膏 ê 教示，時時 tiàm tī 基督內面。

28 Taⁿ，細 kiáⁿ ah，lín tiòh tiàm tī 基督內面，áne，tī 基督顯現 ê 時，咱 tòh ē tàng 好膽，bē tī 祂臨到 ê 時，因為感覺見笑，soah 走去 bih。29 Lín 若知基督是公義 ê，lín tòh 應該知見若行公義 ê 人，tòh lóng 是祂 ê kiáⁿ 兒。